



UNIVERSITÄTS-  
BIBLIOTHEK  
PADERBORN

## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

**Luxemburgi, 1739**

XCV. Interdictio Veli nigri, & vocis Monialibus Conversis S. Franc. de  
Observ.

---

[urn:nbn:de:hbz:466:1-74708](https://nbn-resolving.org/urn:nbn:de:hbz:466:1-74708)

1681.  
therina de  
Quito, &  
causa Con-  
stitutionis.

existentibus facultatem conferendi publice gra-  
dus Scholasticos in illis scientiis, quæ in ipso  
Collegio docebantur, concedi plurimum desi-  
deret, similisque facultas aliis Collegiis dicti Or-  
dinis in quibusdam Civitatibus Indiarum Occi-  
dentalium, quæ quadringentorum milliariū in-  
tervallo ab Universitatibus publicis remotæ sint,  
existentibus dudum ult. anno 1619. a fel. rec.  
Paulo V. ad instantiam tunc existentis Regis  
Hispaniarum Catholici concessa, & subinde ab  
Urbano VIII. Romanis Pontificibus prædecesso-  
ribus nostris confirmata fuerit; ac ejusmodi præ-  
rogativa tam Clerici Regulares Societatis Jesu  
vigore quorundam privilegiorum, quam Fratres  
Ordinis Eremitarum S. Augustini in vim qua-  
rundam Apostolicarum in simili forma Brevis  
litterarum in partibus Indiarum hujusmodi de præ-  
senti fruuntur: nobis propterea idem Ignatius  
humiliter supplicari fecit, ut in præmissis oppor-  
tune providere, & ut infra indulgere de beni-  
gnitate Apostolica dignaremur.

§. 2. Nos ipsum Ignatium specialibus favo-  
ribus, & gratis prosequi volentes, & a quibus-  
vis excommunicationis, suspensionis, & inter-  
dicti, aliisque Ecclesiasticis Censuris, & pœnis a  
jure, vel ab homine quavis occasione, vel cau-  
sa latis, si quibus quomodolibet innodatus exis-  
tit ad effectum præsentium dumtaxat consequen-  
dum harum serie absolventes, & absolutum fore  
consentes, hujusmodi supplicationibus inclinati  
de Venerabilium Fratrum nostrorum S. R. E. Car-  
dinalium negotiis Propagandæ Fidei præposito-  
rum, qui Zelum, pietatemque dictorum Fra-  
trum Provinciæ de Quito Ordinis Prædicatorum  
commendarunt, consilio, Rectori pro tempore  
existenti dicti Collegii intra, vel extra septa su-  
pradicti Conventus S. Petri Martyris Civitatis  
Quitæ, jam forsan erecti, sive in posterum eri-  
gendi gradus Scholasticos in omnibus scientiis  
Cathedrarum in eodem Collegio jam forsan ere-  
ctarum, vel in posterum erigendarum quibus-  
cumque studiosis, qui studiorum cursum ibidem  
peregint, dummodo tamen prævio riguroso  
examine ad id reperiantur idonei, ad formam  
litterarum in simili forma Brevis alias concessa-  
rum præfatis Fratribus Ordinis Eremitarum S. Au-  
gustini, & Clericis Regularibus Societatis Jesu  
auctoritate nostra Apostolica conferendi facul-  
tatem donec, & quousque publica Universitas  
regalis, sicut Limana, & Mexicana in dicta Pro-  
vincia de Quito constituantur, sive erigatur,  
dumtaxat duraturam, eadem auctoritate tenore  
præsentium concedimus, & impartimur: salva  
tamen semper in præmissis auctoritate Congrega-  
tionis memoratorum Cardinalium.

§. 3. Decernentes eadem præsentis literas  
firmas, validas, & efficaces existere, & fore,  
suosque plenarios, & integros effectus fortiri, &  
obtinere, ac illis ad quos spectat, & pro tem-  
pore spectabit in omnibus, & per omnia plenif-  
sime suffragari: sicut in præmissis per quos-  
cumque Judices Ordinarios, & Delegatos, etiam  
Causarum Palatii Apostolici Auditores judicari,  
& definiti debere; ac irritum, & inane si secus  
super his a quoquam quavis auctoritate scien-  
ter, vel ignoranter contigerit attentari.

§. 4. Non obstantibus Constitutionibus, &  
Ordinationibus Apostolicis, ac quibusvis etiam  
juramento, confirmatione Apostolica, vel qua-  
vis firmitate alia roboratis statutis, & consue-  
tudinibus; Privilegiis quoque Indultis, & Lite-  
ris Apostolicis, aliis Religionibus in ipsa Civitate  
Quitensi existentibus: etiam Societatis Jesu, in  
contrarium præmissorum quomodolibet concef-  
sis, confirmatis, & innovatis. Quibus omnibus,  
& singulis illorum tenores, præsentibus pro ple-  
ne, & sufficienter expressis, ac insertis habentes,  
illis alias in suo robore permanens ad præmis-  
sorum effectum hac vice dumtaxat specialiter,

& expresse derogamus, cæterisque contrariis qui-  
buscumque.

Datum Romæ apud S. Mariam Majorem sub  
Annulo Piscatoris die XXIII. Julii MDCLXXXI.  
Pontificatus nostri Anno Quinto.

Confirmatur Decretum Card. Protectoris, quo  
etiam ultramontanis Monialibus Conversis S.  
Francisci de Observantia interdicitur velum  
nigrum, & quæcumque vox in electionibus  
denegatur.

## INNOCENTIUS PAPA XI.

*Ad futuram rei memoriam.*

**N**uper pro parte dilecti filii Petri Espporin  
Procuratoris Generalis Ordinis Fratrum Mi-  
norum S. Francisci de Observantia nuncupato-  
rum, Congregationi Venerabilium Fratrum  
nostrorum S. R. E. Cardinalium negotiis, & con-  
sultationibus Episcoporum, & Regularium præ-  
positæ exposito, in Capitulo Generali dicti Or-  
dinis Romæ anno 1639. sub præsidia bo. me.  
Francisci dum vixit S. R. E. Cardinalis Barberini  
nuncupati, ejusdem Ordinis apud Sedem Apo-  
stolicam Protectoris celebrato, quasdam Consi-  
tutiones ex antiquis compilatas, & aliquas, seu  
in illis aliqua de novo addita fuisse pro felici  
Gubernio Monialium Ordinis prædicti in familia  
Ultramontana, ipsamque Capitulum Generale  
non solum easdem Constitutiones approbasse,  
sed etiam intimari, & observari præcepisse;  
unam autem ex dictis Constitutionibus Cap. 12.  
inter alia disponere, quod Moniales Laicæ, seu  
Conversæ velum nigrum portare non possint,  
sed album, quodque suffragium non possint dare  
in electionibus Abbatissæ, Vicariæ, Discretarum,  
aut majorum Officiorum: & licet hæc omnia  
in familia Cismontana dicti Ordinis inviolabili-  
ter observentur, aliquam tamen in altera fami-  
lia notari observantiam, indeque gravissima in-  
convenientia, & scandala orta fuisse, & novif-  
sime maximum in quodam Conventu ex regressu  
cujusdam Novitiæ Conversæ ad Seculum, exple-  
to majori sui Novitiatus tempore, & quod cum  
sub observantia dictæ Constitutionis admittitur  
fuisse, a Monialibus Laicis, seu Conversis profes-  
sis tantis fuit affecta contumeliis, & minis, ut  
professionem emittere timuerit; ideoque per di-  
ctum Petrum Procuratorem Generalem nomine  
dilecti etiam filii Ministri Generalis dicti Ordinis  
præfate Congregationi Cardinalium supplicato, ut  
Constitutionem prænaratam confirmaret, ad hoc  
ut in toto Ordine uniformiter servaretur, at-  
que ita jurgia, & scandala hujusmodi vitarentur:  
Eadem Congregatio Cardinalium per suum  
Decretum die 13. Maji 1681. emanatum suppli-  
cem libellum sibi super præmissis porrectum re-  
misit Venerabili Fratri nostro Alderano Episco-  
po Tusculano ejusdem S. R. E. Cardinali Cybo  
nuncupato, Ordinis præfati apud nos, & Sedem  
Apostolicam Protectori, ut veris existentibus  
narratis, & quatenus expedire censuisset, peci-  
tam confirmationem pro suo arbitrio, & pru-  
dentia impertiret; ipse vero Alderanus Epif-  
copus Cardinalis, & Protector Decretum edidit  
tenoris, qui sequitur, videlicet. Alderanus Epif-  
copus Tusculan. S. R. E. Card. Cybo Seraphici  
Ordinis S. Francisci apud S. Sedem Protector.

§. 1. Attenta remissione supplicis libelli vigo-  
re retroscripti Decreti Nobis facta Oratoris præ-  
cibus mature examinatis, atque discussis, decer-  
nimus, & declaramus, quod nisi in primavæ  
fundatione, aut in aliquo speciali Statuto a Reli-  
gione, & a Sede Apostolica approbato Monaste-  
riorum Sanctimonialium Ordinis S. Francisci

expresse

XCVI.

Dat. 24. Julii  
1681. An. 5.

Species facti.

Constitutio  
Capituli Ge-  
neralis pro  
Monialibus.

Decretum  
Congrega-  
tionis.

Aliud Card.  
Protectoris.

Concessio  
prædictæ fa-  
cultatis adin-  
star illius  
Eremitarum  
Sancti Au-  
gust. & Cle-  
ricorum So-  
cietatis Jesu.

Clausula.

expresse cautum sit, quod Moniales Conversæ, seu Laicæ velo nigro, & voce activa in electionibus Superiorissarum, seu officialium, & voce passiva in consequendis dd. Monasteriorum Officiis uti, frui, & gaudere debeant; Constitutio facta in Capitulo Generali Romæ celebrato sub die 11. Junii 1639. executioni omnino demandetur, suumque integrum, & plenarium effectum fortiat, in quem finem eandem Constitutionem extra tamen casum præmissum auctoritate non solum, qua fungimur Protectoris, verum etiam ab eadem Sacra Congregatione Nobis attributa, & concessa, tenore præsentium approbamus, & confirmamus, eique inviolabilis firmitatis robur adjicimus, nullas, irritas nunc pro tunc omnes præfatas electiones, quas cum suffragiis prædictarum Monialium Conversarum adversus præsentem nostram, & Constitutionis prædictæ dispositionem fieri contigerit declarantes, & decernentes. Mandamus igitur omnibus Superioribus regularibus, qui regimini, & gubernio dictorum Monasteriorum præsent, quatenus hæc omnia sublato Monialibus quocumque alio prætextu, & quæsito colore etiam consuetudinis immemorabilis, & præscriptæ, executioni demandari faciant, & contra inobedientes, ac contumaces suis remediis, & quatenus opus sit censuris Ecclesiasticis animadvertant. Romæ 5. Julii 1681. A Card. Cybo Protector. Jo: Baptista Rufca.

Preces Procuratoris Ordinis.

§. 2. Cum autem sicut præfatus Petrus Procurator Generalis nobis subinde exponi fecit, ipse Decretum hujusmodi quo firmiter subsistat, & servetur exactius, Apostolicæ confirmationis nostræ patrocinio communitur summopere desideret: nos ipsius Petri Procuratoris Generalis votis hac in re quantum cum Dño possumus, favorabiliter annuere volentes, eumque a quibusvis excommunicationis, suspensionis, & interdicti, aliisque Ecclesiasticis Sententiis, censuris, & pœnis a jure, vel ab homine, quavis occasione, vel causa latis, si quibus quomodolibet innodatus existit ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine nobis super hoc humiliter porrectis inclinatis, Decretum a memorato Alderano Episcopo Cardinale, & Protectore editum præinfertum cum omnibus, & singulis in eo contentis, auctoritate Apostolica tenore præsentium confirmamus, & approbamus, illisque inviolabilis Apostolicæ firmitatis robur adjicimus, ac omnes, & singulos juris, & facti defectus si qui de super quomodolibet intervenerint, supplemus.

Confirmatio prædicti Decreti.

Clausulæ.

§. 3. Decernentes easdem præfatas literas semper firmas, validas, & efficaces existere, & fore, suosque plenarios, & integros effectus fortiri, & obtinere, ac ab illis ad quos spectat, & pro tempore spectabit inviolabiliter observari: sicque in præmissis per quoscumque Judices Ordinarios, & delegatos, etiam Causarum Palatii Apostolici Auditores, judicari, & diffiniri debere; ac irritum, & inane si secus super his a quocumque quavis auctoritate scienter, vel ignoranter contigerit attentari.

§. 4. Non obstantibus præmissis, ac Constitutionibus, & Ordinationibus Apostolicis, necnon quatenus opus sit dicti Ordinis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque Indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plene, & sufficienter expressis, ac ad verbum insertis habentes, illis alias in suo robore remansuris, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

§. 5. Volumus autem, ut earundem præsentium Literarum transumptis, seu exemplis etiam impressis manu alicujus Notarii publici subscriptis, & Sigillo Personæ in Ecclesiastica dignitate constitutæ munitis, eadem prorsus fides ubique locorum tam in Judicio, quam extra illud habeatur, quæ haberetur ipsis præsentibus, si forent exhibitæ, vel ostensæ.

Datum Romæ apud S. Mariam Majorem sub Annulo Pisc. die XXIV. Julii MDCLXXXI. Pontificatus nostri Anno Quinto.

Erigitur Academia Sanctæ Thomæ Ord. Prædicatorum Civitatis Monilan in Insulis Philippinis in publicam studii generalis universitatem.

XCVI.

## INNOCENTIUS PAPA XI.

*Ad futuram rei memoriam.*

Dat. 7. Aug.  
1681. An. 5.

Inscrutabili divinæ sapientiæ, atque bonitatis Arcano ad Ecclesiæ Catholicæ per universum Terrarum Orbem diffusæ regimen, meritis licet imparibus, erecti, sacrarum, eisque ancillarum bonarum literarum studia, per quæ depulsa ignorantæ caligine, mentes veritatis luce illustrantur, & non minus Catholicæ Fidei, divinique cultus propagationi, & incremento, quam Justitiæ administrationi, aliisque Reipublicæ commodis, & ornamentis, privatorumque utilitatibus consultur, ubique locorum, & præsertim in remotissimis ab hac S. Sede partibus, quantum nobis ex alto conceditur, promovere, ac incitare, & confovere studemus, sicut omnibus matura consideratione perpensis, ad Omnipotentis Dei gloriam, Ecclesiæque decus, & præsidium, ac spiritualem temporalemque Christianissimorum utilitatem cognoscimus in Domino salubriter expedire.

Proœmium.

§. 1. Dudum siquidem fel. rec. Innocentio PP. X. prædecessori nostro pro parte claræ mem. Philippi IV. dum vixit Hispaniarum Regis Catholicæ exposito, quod in Civitate Monilan in Insulis Philippinis unum sub denominatione S. Thomæ Collegium Ordinis Fratrum Prædicatorum existebat, in quo triginta Alumni seculares educabantur, & Grammatica, Rhetorica, Logica, Philosophia, ac Theologia Scholastica, & Moralis docebantur, seu legebantur, magna cum Incolarum illarum partium utilitate. Civitas vero Monilan plusquam tribus leucarum millibus a vicinioribus studiorum Generalium Universitatibus, nempe Limana, & Mexicana distabat, & propterea idem Philippus Rex in Collegio præfato Academiam erigi, & institui summopere desiderabat, præfatus Innocentius prædecessor supplicationibus memorati Philippi Regis nomine sibi super hoc humiliter porrectis inclinatis, in præfata Civitate Monilan in ædibus dicti Collegii, ubi tunc scholæ erant, seu forsitan in ampliorem formam construerentur, Academiam, in qua Religiosi dicti Ordinis Grammaticam, Rhetoricam, Logicam, Philosophiam, & Theologiam Scholasticam, & Moralem publice profiterentur, ac Juvenes quoscumque docerentur, duraturam dumtaxat donec, & quousque aliqua publica studii Generalis Universitas in dicta Civitate Monilan, seu illius Provincia Apostolica auctoritate erecta fuisset, eadem auctoritate, sine tamen cujusquam præjudicio, erexit, & instituit; Ipsamque Academiam sic erectam, & institutam curæ, regimini, & administrationi dicti Ordinis, & illius Magistri Generalis pro tempore existentis, seu ab eo deputandi, qui totius Academiæ Rector existeret, præfata

Qua de causa, & forma erecta fuerit d. Academia.

auctori-